



**UKA2021/29: Meeqqat, inuusuttut inersimasullu akornanni naqinnernik ilisarinnissinnaanngitsut aamma atuarnermik allannermillu ajornartorsiuteqartut pillugit nuna tamakkerlugu iliuusissanik pilersaarusiornissamut Naalakkersuisut peqquneqarnissaannik Inatsisartut aalajangiiffigisassaattut siunnersuut. (Inatsisartunut ilaasortaq Sofia Geisler, Inuit Ataqatigiit)**

**UKA2021/47: Naqinnernik ilisarsisinnaanngitsunut kalaallisut programimik ikiuutunik sanasoqarsinnaanissaa pillugu nalunaarusiamik Naalakkersuisut suliaqaqqullugit peqquneqarnissaannik Inatsisartut aalajangiiffigisassaattut siunnersuut. (Inatsisartunut ilaasortaq Aslak W. Jensen, Siumut)**

**UKA/73: Inatsisartut isummerfigisassaattut siunnersuut Naalakkersuisut peqquneqassasut kalaallisuumik naqinnernik ilisarinnissinnaanngitsunut misissuummik ineriartortitsisoqarlunilu atuutilersitsisoqarnissaannik meeqqat atuarfianni ilinniarfinnilu ingerlariaqqiffiusuni atorpeqartussatut. (Inatsisartunut ilaasortaq Nivi Olsen, Demokraatit)**

## **Siullermeernera**

Naqinnernik ilisarinnissinnaanngitsut aamma atuarnermik allannermillu ajornartorsiuteqarnertunut tunngasut siunnersuutit pingasut Naleqqamiit imatut oqaaseqarfigissavagut.

Soorlu naalakkersuisup oqaatigigaa 2011-mi naqinnernik ilisarinnissinnaanngitsut aamma atuarnermik allannermillu ajornartorsiuteqartut ikiorserniarlugit pilersaarusiorniluni suliaqarnissaa akuersissutigineqarsimavoq 2014-imilu qinersisoqarneranut atatillugu unitsinneqarsimalluni, taamaammat massakkut naqinnernik ilisarinnissinnaanngitsunut aamma atuarnermik allannermillu ajornartorsiuteqartunut tunngasut siunnersuutit immikkoortut pingasut imminnut attuumassuteqartut ataatsimoortillugit inatsisartunut saqqumminneqarmata nuannaarutigaarput.



Piginnaasamikkut pitsaasumik periarfissaqalissappata, ilumoorpoq eqqortumik ikorfartorneqartariaqarlutillu ikiorneqartariaqarput aamma ullutsinni pisunut annerusumik malinnaatinneqassappata, ilumoorpoq atortorissaarutitut tunngasunut ilorraap tungaanut ingerlasoqartariaqarpoq kiisalu pitsaanerusumik aqutissiuunneqartalissappata, ilumoorpoq ikiorsiineq eqqortoq pisariaqartoq.

Taammammat Naleqqamiit isumaqarpugut naqinnernik ilisarinnissinnaanngitsut aamma atuarnermik allannermillu ajornartorsiuteqartut siunissami atugaat pitsaanerulertariaqartut, pingaartumik siusinaartumi paasineqarlutillu ikiorserneqartariaqartut, taammaammat siunnersuutit pingasut tamaasa taperserpagut.

Naalakkersuisut inassutigisaa immikkoortoq 29 naqinnernik ilisarinnissinnaanngitsut aamma atuarnermik allannermillu ajornartorsiuteqartut pillugit nuna tamakkerlugu iliuusissanik pilersaarusiornissamut siunnersuut akuersissutigineqarnissaa aamma immikkoortoq 47 kiisalu immikkoortoq 73 siunnersuutaasut nuna tamakkerlugu iliuusissanik pilersaarusiamut ilaatinneqarnissaannut, taakkunanilu allanguutissatut siunnersuutit tamaasa ilalerpavut nuannaarutigalutigullu Naalakkersuisut immikkoortut taakku pingasut ilassilluarmatigik.

Taama oqaaseqarluta ataatiimiitaliamut susassaqtumut suliarineqarnissaat innersuussutigaarput.